

中國方志叢書·華北地方·第三二四號

據

張道芷等修曹驥觀等纂
民國二十四年鉛印本

影印

陝西 省

續修醴泉縣志稿
(二)

成文出版社有限公司印行

續修醴泉縣志稿卷八

人物志二

按蔣志有列女一門之勤等多於男節孝以中賢豈少禮者法自持焉
禮邑風俗樸厚女一織門之勤等多於男節孝以中賢豈少禮者法自持焉
以順爲正者如冀妻亦梁婦之者不乎論抑耶世俗重婦特掛全在譏其孝於不
女命淑德之義亦節尙未相四目今非敢妄事一添門改歸使人覽物之志而
不知賦離鵠之行鸞淑者德益知節孝以並自重勉其幸而

淑德

明

王氏諸生鄭驗龍妻柔順和婉甘勞苦家有妯娌四人獨任操
作不以相委其姒年逾四十無子勸夫爲納二妾後生二子王

視諸姪如子諸姪感之亦如母焉

清

劉氏范際庫妻事舅以孝舅性褊急常加笞辱劉不爲怨隨舅耕耘不敢怠舅終天年哀慟過禮喪葬畢三年無笑容人稱異之其夫出二十年忽歸鄉里人謂孝感所致云

曹氏既嫁後母何氏疾甚劇思食肉貧不能市曹氏割股以食之疾竟愈

以上見蔣志

張氏良馬王楨棟弟妻回亂時兄弟均逃外其姑病在牀蓐氏弗忍去賊來一身衛姑雖遭賊痛毆身無完膚卒負姑出險得

以保全年八十歲歿

吳氏孝廉王文烱繼室善事舅姑持家政雖洒掃澣濯必躬親值年荒王俯仰不給氏出母家所蓄金以供贍養姑老且病同臥起者三年姑歿仍宿姑室煮茗展衾如事生時終身勤儉不衰或勸之則曰我自樂此不爲疲也

曹氏南寧村例貢生王元妻年十五適王時家極貧井臼親操孝奉舅姑後漸裕無出勸夫納妾產二男夫卒子又相繼夭亡媳陳氏矢志守貞復取姪孫兼祧自奉儉約年逾七旬猶親縫紉性喜施捨立義學村中其他婚嫁喪葬荒歉賑貸鄉里親戚之蒙其惠者尤不能悉計焉

董氏邑舉人曹良模妻主事曹驥觀生母也家故大族燬于回亂父母相繼逝十四歲童養于家家貧甚堂叔及夫弟皆未授室計舅姑並夫叔弟暨夫姊與其子女長幼十餘人一切洗滌飲食之役皆一身任之又常親衝磨之事姑性雖嚴以勤能得其歡戚黨多愛敬之早歿後以夫子並貴迭膺封典人謂善人之報云

郭氏朱志正妻善事翁姑克修婦職值歲饑自奉甚儉恆出所餘以濟困乏民國八年大總統以薰德善良四字褒獎壽八十二歲終

景氏西庄頭聶正芳妻性淑慎持家勤儉年十三童養夫家家

貧姑老氏事之能得其歡心光緒三年歲大侵有子甫三齡自
忖無法存活遂棄之日乞食養姑不稍懈後家漸裕母家堂弟
暨子俱无妄繫縣獄氏供給食費年餘並令己子詣省徧訴諸
憲卒白其冤凡鄰里有急難事無不竭誠營救故歿後人常念
之不置享年七旬有六子四俱成立

節孝

明

康氏高登瀛妻年十八子生纔二十六日夫死矢志守節教子
成名巡按御史姚吉二公表其門

張氏劉廷聘妻幼年守節知縣表其門

曹氏鄭時雍母守節五十餘年教育子孫相繼入學知縣表其門

李氏景雷妻夫死守節家貧忍饑死知縣姚燭表其門

程氏鄭克勤妻痛夫早逝撫前子國華如己子子感其慈孝敬益至程疾劇國華刺血合藥以進疾遂愈知縣姚燭表其門

陳氏劉業妻少年喪夫苦志守節知縣姚燭表其門

閻氏曹登妻無子守節曹科妻張氏苦志守節知縣姚燭表其門曰一門雙節

陳氏王橋妻生子三日橋死守節孝姑撫子百苦備嘗知縣朱表其門

高氏王廷坤妻早年喪夫清操無玷至於壽終巡撫楊表其門
姚氏張桂妻桂早死哀毀不勝誓死守節撫子成立知縣表其
門

郭氏董珠妻夫死誓不嫁織紡度日知縣表其門

高氏郭廷信妻夫死欲自經以殉親屬環守不得死後四月遺
腹子生撫之成立晚節益勵知縣表其門

王氏董璜妻年十九夫死生子八月苦志守節院道府交旌之
張氏王大吉妻夫早死盡力田畝夜勤紡績遇歲大侵食糖粃
蕪菁撫育諸孤艱辛備至鄉里皆稱其賢苦節四十餘年縣府
申請旌表

袁氏舉人韓景妻年二十六喪夫忍貧守節孝姑教子三十餘年巡撫及知縣交表其門

王氏張汝清妻年二十六夫死遺子二女一撫養教訓以至立孫五世同居鄉里傳其家法以壽終

楊氏苟柵妻年二十二喪夫無子以姪嗣楊撫姪若己出奉姑極孝得其歡心居五十年如一日壽七十七無疾而終

苟氏袁大有妻苟好善女幼通文字解詩書大義父教以讀列女傳內則女孝經諸書長適袁家甚貧日夕勤作以紡績佐夫讀夫死年三十矢志守節備極辛苦以撫諸孤姑性嚴難事奉養備至得其歡菽水之奉苟獨任之不以他諉撫諸姪尤有恩

袁氏內外賢之

張氏故民王某妻年二十餘其夫早逝堅貞苦志教子成名奉
勅旌表

閻氏王佑妻年二十五夫死孝舅姑撫遺子備極辛苦壽七十
五卒崇禎間旌表

楊氏楊萃妻年二十八夫死舅姑已老紡績以供甘旨捐簪珥
延師教子舅姑卒喪葬以禮教子成名苦節四十餘年

荀氏儒童王景峻妻爲善女年二十一夫死遺孤幼痛哭不欲
生舅姑日夜環守又諭以大義始止竭力孝養躬親洗滌撫子
成立早歲入學督學道呂表其門

新修西昌縣志卷之八
馬氏生員楊符妻年二十一夫死撫前子若己出守節五十餘
年艱苦備嘗督學道表其門

清

何氏生員高憲妻少年喪夫無子誓死守節奉勅旌表

劉氏生員袁大壯妻年二十四喪夫數欲自縊賴家人救免有
一女苦節幾五十年

袁氏生員甯贊衛妻大壯女年二十五喪夫誓死不嫁貧苦萬
狀撫一子成立以壽終

張氏生員王蔭啓繼室夫死年二十三親黨以無子勸改嫁張
指前室子曰此吾子也斷髮守節以終厥志

何氏郝槐妻年二十一夫死子女俱無有姪襁褓兄嫂相繼歿何視之若己子至於成立

何氏廩生王允祐妻年三十喪夫無子撫前妻子成立子又死遺孫年幼與何相依爲命備歷艱難苦節四十餘年奉勅旌表劉氏維朝英妻夫久客于外事其舅以孝聞一日地震舅以老瞽不能起氏負之趨不能前因守其側

陳氏晁天順妻天順出遊父臥病三年氏奉湯藥三年不解衣帶

張氏陳憲妻事舅以孝聞康熙三十年歲大饑家貧舅病思食肉氏恨無以爲奉割臂肉啖翁翁病遂愈

郭氏袁祚盛妻嫁數月喪夫年十有八舅姑勸改適氏截髮誓曰子亡媳去於心忍乎撫嗣子苦節歷五十七歲

張氏何復禮妻年二十八夫亡奉姑撫子遇歲凶摒擋薪米養姑而糠粃自厭守節數十年

尙氏董禮妻年十九喪夫苦節數十年

郭氏張仁傑妻年二十四喪夫有孝行舅姑卒棺槨衣衾俱紡績所易守節三十五年

某氏生員楊繡龍妻年二十三歲夫亡奉祖姑以孝聞撫三歲孤玉虹入學

陳氏楊汝桂妻年十八喪夫無子夫遺囑令嫁陳曰請先君而

逝可矣守節三十餘年而終嗣子生員楊一寧亦以孝聞

王氏舉人陳維妻維亡教子守節子我義官樂至縣以耿介特聞

朱氏張柱妻年十五喪夫撫孤苦節終年凍餒無悔心

趙氏陳聖階繼室年十六喪夫撫前妻子如己出織紉自給守節年八十五而終

張氏來庫妻年二十四喪夫子良材幼舅逼之嫁舅弟自平特憐之身任力作以周其乏良材成立娶妻自平故無子身後殯葬皆良材傭工資鄉里云自平之義氏之節良材之孝一門三善

劉氏祝國士妻年二十一喪夫家貧苦節數十年

龐氏侯國禎妻年二十喪夫苦節撫孤

苟氏生員王秉鹵妻年二十六喪夫通論語內則列女傳諸書
故奉親撫孤有家法守節八十一歲終

高氏王秉正妻年二十四喪夫親老子幼苦節三十餘年五十
四歲終

梁氏張應松妻年二十九喪夫子幼撫之成立娶婦張氏生孫
二歲子復亡張年二十四亦守節

劉氏張復聖妻年十八喪夫苦節七十三歲而終

文氏張士琮妻年二十四喪夫中道子復殞苦節數十年如一

日

喬氏羅從佑妻年十九喪夫欲以身殉舅年九十餘姑復患疾不能行人咸勸以侍養乃止衣食行清之事躬自操之家貧恆乏食衣不蔽體養叔及叔子苦節數十年

荀氏袁化滾妻年十九喪夫投繯幾絕救乃甦養舅姑以孝年七十有五而終

郭氏景維屏妻年二十四喪夫事祖姑能得其歡心教子運早年入學苦節七十九歲而終

荀氏李蕙妻年二十五喪夫苦節七十年

何氏高名枋妻年二十九喪夫撫幼子三人遇康熙三十年歲

饑且瘟疫何食榆皮自活守節四十四年七十二歲終子嚙入學

楊氏董希文妻年十九喪夫家貧撫兩歲子苦節數十年以織紵自給

閻氏白含輝妻年二十四夫出遊客死于外閭撫夫之大功弟二人成立守節七十六歲終

張氏曹平世妻年二十六夫亡遺子在襁褓數年後姒歿又撫遺姪如己子壽七十四終

楊氏文永妻年二十三夫亡無子撫前妻子苦節五十七年壽八十